



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Expositio Cavsarvm Quibus S. R. M. Sveciae bellum à
Rege Regnoque Daniae sibi illatum, etiam post Pacem
Roschildiae initam, continuare coacta fuit**

Coyet, Peter Julius

[S.l.], 1658

Lit P. Literae Beuningii ad Graphiarium Ordinum, ubi quo animo Dani erga foederis sanctionem cum Suecis fuerint, fusius ostenditur, una cum multis aliis ad hanc materiem pertinentibus.

urn:nbn:de:hbz:466:1-10534

Sueciæ de arctiori duorum horum borealium Regnorum fœdere tractari, suarum partium esse duxit, à Sacra Regia Majestate nomine suorum Dominorum Principium officiose & amice requirere, ut in veram & realem promissorum à Sacra Regia Majestate & Celsiss. Dn. Ordinibus ante biennium reciproce factorum, & à parte Suarum Præpot. Celsitud. in negotiis cum Regno Sueciæ interea gestis præcise & punctualiter seu accurate observatorum, præstationem, scilicet cum supra laudato Regno Sueciæ nihil agendum & concludendum, nisi mutua istorum communicatione prævia; Suis Præpot. Celsitud. & Earum nomine Legato suo omne illud in posterum successive communicetur, quicquid in Tractatibus de jam dicto arctiori fœdere cum Suecia, inter Sacræ Regiæ Majestatis Commissarios & Regem Sueciæ acciderit, & à Sacra Regia Majestate decretum fuerint; Ut etiam ante omnia prospiciatur, ne in conclusione fœderis inter Sacram Regiam Majestatem & Regnum Sueciæ non solum aliquid incurrat & influat, per quod præcedentibus Tractatibus & fœderibus inter Regnum Daniæ & Unitum Belgium præjudicium quoddam creari possit, sed & per expressam conditionem illa ipsa in pleno vigore suo conserventur, utque articuli isti de non opem ferendo alterius hostibus, & de excludendis è mari Balthico hostilibus classibus in nupero Roschildiæ concluso pacis Tractatu constituti, ita explicentur in fœdere isto cum Suecia, quò S. Præpot. Celsitud. in eo, quod Legatus circa prædictos articulos, intuitu præcedentium Tractatum inter S. R. M. & S. Præpot. Celsitud. in Memoriali suo die 3. sty. nov. mensis Martii proxime præteriti S. R. M. remonstravit, satisfiat, Illæque contentæ esse queant. Hafniæ die 16. April. Anno 1658.

C. van Beuningen.

Lit. P.

Literæ Beuningii ad Graphiarium
Ordinum, ubi quo animo Dani erga fœderis sanctionem
cum Suecis fuerint, fasius ostenditur, una cum multis
aliis ad hanc materiem pertinentibus.

Dornine mi,

IN proximis meis die 10. April. de Te exaratis significaveram, quod apud Danos non parum frigoris deprehendatur circa Confœderationem, de qua Domini Legati Suedici heic tractant. Equidem illud ipsum adhuc satis licet animadvertere, sed quoniam Sueci defensivo quodam fœdere contenti sunt, quod solummodo super Regna Sueciæ & Daniæ se extendat, nullasque conquistas Suecorum provincias comprehendat, nec prius sit obligatorium, quam finita bella forent, quibus Suecia nunc occupatur, nullus dubito quin hac ratione fœdus istud perficiatur, præsertim quod, ut intelligo, Commissarii Danici in novissimo congressu

E 2

cum

cum Legatis Suedicis per modum Projecti se in hanc sententiam jam dum declaraverint. Sed ad plura alia se obstringendi nullam omnino ab hac parte propensionem inuenio, & illi ipsi qui de dictis factisque Legatorum Suedicorum certum aliquid, & exploratum habent, mihi narravere, quod, non parum conqueſti, Danos in fœdere prædicto non ingenue agere, nec ejus functionem sincere & ex animo cupere, vehementer sibi caverent, consilia quædam ipsis communicare, quæ aliàs quempiam offendere possent atque irritate. Et ego firmiter mihi persuadeo, plures adhuc reperiendas heic difficultates, per quas impediatur, quo minus, isthoc præsertim tempore, circa ejusmodi proposita cum Suecis conveniri queat. Nihilominus ut hac in re eo magis extra periculum versaret, debitaque cura & vigilantia omnem id, quod S. Præpot. Celsit. commodo heic obesse possit, averterem ac declinarem, hesternæ die S. R. M. obtuli, Magno verò Regni Magistro, quem dolor podagricus domi adhuc detinet, & Regni Secretario commendavi his literis adjunctum Memoriale, quod formatum est ex mandatis illis quæ S. Præpot. Celsit. d. 2. April. Anni proxime præteriti Legatis suis, quantum ad negotia Suedica in hac aula, injungere dignatæ sunt, & confido ego, proxima Postarum die me posse significare, quid responsi à S. M. hacce in materie obtinuerim, in certam spem ingressus fore ut ex voto atque beneplacito S. Præpot. Celsitud. illud impertiatur, præprimis quod heic locorum sanctissime mihi affirmatum est, S. R. M. omni fide atque studio, in id incubituram, quo amicitiam & fœdera cum Suis Præpot. Celsit. inita conservare & fovere queat. Ratificationes Pacis utriusque Regis & Senatus Regni præterita hebdomade heic Hafniæ invicem permutatæ & extraditæ fuerunt. Interea ingentes querelas audire licet, quod Sveci nimis male pacis observantes sint, & tantum non quotidie ex diversis locis, ubi turnæ Suedicæ commemorantur, de novis extorsionibus, spoliis & vexationibus contra Instrumentum Pacis variæ querelæ adferuntur, ex quibus gravamina formata & Legatis Suedicis tradita sunt, sed parum spei est reliquum, ut medicamine aliquo præveniantur. Domini Legati Holfatici sedulo & continue agunt atque tractant cum Commissariis hujus Regis, intervenientibus Dominis Legatis Gallico & Suedicis, una cum Ablegato Anglicano, & multum negotii faciunt Tractatus isti, cum non solum Holfati compensationes damnorum, per militum confecti belli tempore hospitationes datorum, urgeant, sed & omnes veteres controversias inter domum Holfaticam lineæ Gottorpiensis & Regnum hocce pro commodo & beneplacito suo finitas velint. Primarium ipsorum postulatum est, ut Dux Holfatiæ & ipsius Descendentes omnes absolvantur & liberentur ab Homagio, quod ratione Ducatus Slesvicensis Regno huic aliàs præstare solent, & ab omnibus præterea obligationibus exinde defluentibus. Secundo, ut detur Duci Præfectura Suabstedenſis, quæ ut mihi quidem narratum est, centum & quinquaginta præter propter thalerorum Imperialium millia pretio suo exæquat, cujus dimidiam partem sibi competentem semper urserunt Duces Holfatiæ, quanquam Regnum hoc jam dum septuaginta duorum annorum possessione gavisum

visum fuerit. Tertio, ut communio Regiminis & administrationis Ducatus Holfatiæ aboleatur, & ut relictio damnorum superioris belli præsentis parataque pecunia fiat, una cum aliis non adeo magni momenti punctis, quæ scripto sunt exhibita, & ad quæ itidem scripto responsum fuit. Dani equidem libentissime compromissum aliquod inire vellent, cujus vigore universum hoc negotium uni vel alteri nullis partibus addicto Principi vel Statui committeretur, sed Holfati hac in re nolunt acquiescere, & finalem decisionem & compositionem flagitant, non solum virtute articuli Tractatus, qui requirit, ut ante Majum Duci Holfatiæ secundam æquitatem satisfactio fieri debeat, sed & exercitus Suedici, qui ut Domini Legati Suedici palam pronuntiant, non discessurus sit, priusquam isthæc forent præstita. Et hæc est illa machina, quæ palam & occulto adhibetur in omni isto, ad quod Sueci Regnum hoc disponere laborant. Et eo magis valida illa est, plurimumque efficit, quod, ut heic quidem scimus, omnes illæ turmæ, quæ hanc Insulam ingressæ sunt, adhuc dispersæ illic commorentur, nullæque earum fretum Balthicum trajecerint, fortassis eam ob causam, quod glacies, quæ omnes naves è mari Balthico advenientes tam supra, quam infra hanc urbem adhuc intercludit & arcet, similiter transitum freti Balthici turbet ac impediatur. Quo ipso Te optime valere jubeo. Hassniæ die 17. April. Anno 1658.

C. van Beuningen.

Lit. P.

Excerpta ex literis Beuningii de dato

Hassniæ d. 2. Jun. ad Graphiarum Ordinum
circa eandem materiam.

Accepi hesternæ die S. Præpot. Celsitud. literas & decretum de die 22. mensis præteriti, in quo Præpot. S. Celsitud. flagitam à me dimissionem elementer approbant & gratam habent, una cum mandatis, ut adhuc ante discessum meum accurate & exacte edocear, quo in loco Tractatus inter Sueciam & Daniam de fœdere isto defensivo versentur, an scilicet adhuc laboretur, in præjudicium Status S. Præpot. Celsitud. & sub articulis navigationi & commerciis officientibus eosdem perficere & concludere, & si fors ita esset, discessum meum hinc tam diu differrem, quam diu bona quædam officia ad obtinendum S. Præpot. Celsitud. scopum conferre possem. Ago itque Præpot. S. Celsitud. pro singulari isto favore ac clementia humillimas gratias, nunquam intermissurus mandatis istis circa Tractationem dicti fœderis me obsequentissimum, prout decet, exhibere.

E 3

Illud